

GRAĐANKI ZA 10 PRIKUPLJENIH SIGURNIH GLASOVA OBEĆAN POSAO I 70 KM U DŽEPU

Poslovna ponuda pred izbore

U jeku Općih izbora 2022. godine, 39-godišnja nezaposlena građanka dobila je ponudu od stranačke aktivistkinje koja ju je navela na razmišljanje. Od nje je traženo da sprovede određene stranačke aktivnosti, a zauzvrat bi nakon izbora dobila posao spremačice u jednoj javnoj ustanovi.

10 sigurnih glasova za 70 KM

Zahtjev stranačke aktivistkinje je kasnije postao i precizniji. Ukoliko prikupi 10 sigurnih glasova za stranku, dobit će 70 KM, a nakon izbora i prijeko neophodan posao. Budući da su joj bili neophodni i novac i posao, odlučila je da će završiti zadatak koji se od nje očekuje.

Izveštavanje o prikupljenim glasovima

Građanka navodi da se obraćala svojim prijateljima da bi završila svoj zadatak i ispunila očekivanja stranke. Po obavljenom zadatku, stranki je morala poslati SMS sa listom biračkih mjesta sa kojih će stranka dobiti glasove. Svaka poruka je također trebala sadržavati ime i prezime, uz broj telefona birača.

Pusta obećanja

NOTES

date ____ / ____

Nakon izbora, kada je izašao konkurs za posao spremačice u jednoj javnoj ustanovi, prikupila je svu dokumentaciju neophodnu za prijavu za posao, te se obratila stranačkoj aktivistkinji koja ju je angažovala za izbore da je obavijesti da se prijavljuje za posao. Međutim, njena prijava za posao je odbijena. Tada se osjećala izdanom i shvatila je da je korištena samo kao pijun za prikupljanje glasova za izbore. Navodi i da joj je žao njenih prijatelja za koje smatra da ih je iznevjerila jer su glasali kako ne žele samo da bi ona dobila posao.